

համար: Կովկասագիտական ուժերի համա-
խմբվածությունը և համաձայնեցված, համա-
տեղ աշխատանքը անհրաժեշտ պայման է սո-

վետական գիտության առջև ծառացած կովկա-
սագիտական շատ հարցերի հաջող և ճիշտ
լուծման համար:

ՊԱՏՄՈՒԹՅԱՆ ԻՆՍՏԻՏՈՒՏԻ ԳԻՏԱԿԱՆ ԽՈՐՀՐԴԻ ԴՌՆԲԱՑ ՆԻՍՏԸ, ՆՎԻՐՎԱԾ 5--6-ՐԴ ԴԱՐԵՐԻ ԱԶԱՏԱԳՐԱԿԱՆ ՇԱՐԺՈՒՄՆԵՐԻ ԳՆԱՀԱՏՄԱՆԸ ՍՈՎԵՏԱՀԱՅ ՊԱՏՄԱԳՐՈՒԹՅԱՆ ՄԵՋ

1945 թվականի հունվարի 26-ին տեղի ունեցավ Հայկական ՍՍՌ Գիտությունների Ա. Կադեմիայի Պատմության Ինստիտուտի գիտական խորհրդի ղոնքաց նիստը: Լսվեց պրոֆ. սոր-դոկտոր Աշոտ Աբրահամյանի զեկուցու- մը «5--6-րդ դարերի ազատագրական շար- ժումները սովետահայ պատմագրության մեջ» թեմայով:

Սովետական պատմագրության ամենակա- րևոր հարցերից մեկը համարելով անցյալի ա- զատագրական շարժումների ճիշտ գնահատու- մը, զեկուցողը նշեց, որ այդ խնդրի ճիշտ կատարումը պահանջում է առանձնահատուկ ուշադրություն, պատմական դեպքերի ծանո- թություն ու հմտություն, դրանք մարքսիստա- կան մեթոդոլոգիայով ներկայացնելու կարո- ղություն:

Ազատագրական շարժումների պատմու- թյունը սկսվում է հնագույն շրջանից: Այդ շարժումների բնութագրումով զբաղվել են ինչ- պես կղերա-ֆեոդալական, բուրժուական, այնպես էլ սովետական պատմագիրները: Կղերական, բուրժուական պատմագրությունը անցյալի ա- զատագրական շարժումները մեկնաբանելիս, սովորաբար դրանք դիտել է որպես համա- հայկական ընդհանուր շարժումներ, ընդդեմ օտարերկրյա նվաճողների: Հայ հասարակու- թյունը դիտվել է որպես մի ամբողջություն: Վարդանանց պատերազմի մասին խոսող բուր- ժուական պատմագիրները պատերազմին մաս- նակցողներին ներկայացրել են որպես մի ըն- տանիքի պատկանող մարդկանց, իսկ շարժու- մը ղեկավարողներին՝ ընտանիքի հայրերի:

Դժբախտաբար սովետական պատմագրու- թյան մեջ ևս որոշ մարդկանց կողմից կրե- կրվել է այս սխալը, ինչպես, օրինակ՝ Հ. Մուրադյանի «Վարդան Մամիկոնյան» զըր- րույկում, որտեղ կա միայն հայ ժողովուրդ, իսկ Վարդանը ծառայում է այդ ժողովր- դին:

Մյուս կողմից սխալ է գնահատվել պա- տերազմի բնույթը: Կղերական պատմագրու- թյունը կրոնական է համարել Վարդանանց պատերազմը, ինչով նախարարական լեռնի մոտ, օրինակ, այդ պայքարով ողորկված ժո-

ղովուրդը, որը պատերազմի ամբողջ ծանու- թյունը կրեց իր ուսերի վրա, չի երևում, կա խառնիճաղանճ մի մասսա: Նա Հայաստանում տեսնում է Վարդանանց և Վասակյանց կու- սակցություններ:

Նույնը նկատվում է նաև գեղարվեստական գրականության մեջ, որտեղ այդ ամբողջ շար- ժումը կոչվել է Վարդանանց շարժում, մի տրադիցիա, որը շարունակվել է մինչև մեր օ- րերը («Վարդանանք»):

Այստեղից էլ՝ Մամիկոնյան ֆեոդալական տան գերագնահատումը, այս բանը որոշակի կերպով դսևորված է հատկապես ընկ. Հ. Հա- րությունյանի «Վարդանանց պատերազմը» աշ- խատության մեջ:

Ընկ. Հարությունյանի մոտ Մամիկոնյան- ները ներկայացվում են իբրև հայրենասեր- ան, ազնիվ, անշահախնդիր մարդիկ, որոնց միակ հոգսն է ծառայել ժողովրդին, օգտա- կար լինել նրան: Ընկ. Հարությունյանը չի տեսնում այդ նախարարության հակաժողովր- դական արարքները, այն խոր պայքարը, որ մղվել է աշխատավոր ժողովրդի և նախարա- րությունների, այդ թվում նաև Մամիկոնյան նախարարության դեմ:

Մյուս կարևոր հարցը, որ վրիպել է շատ սովետական պատմաբանների ուշադրու- լից, 5--6-րդ դարերի ազատագրական շար- ժումները հարևան ժողովուրդների նույնանման շարժումներից անկախ ներկայացնելն է, որ գիտակցաբար կատարել են բուրժուական պատմագետները և նույն ձևով շարունակել են որոշ սովետական պատմաբաններ:

Պատմական իրողություն է սակայն, որ 5-րդ դարի այդ շարժումները սերտորեն կապ- ված են Աղվանքում և Վիրքում ծավալվող շարժումների, Անդրկովկասի մյուս ժողո- վուրդների շարժումների հետ: Զպետք է մո- ոանալ, որ Տիգրան կանչվեցին ոչ միայն հայ իշխանները, այլև վրացի իշխանները: Ապա- ցուցված փաստ է, որ Կովկասում ապրող հա- րևան ժողովուրդները միշտ օգնել են միմյանց, և չպետք է թերագնահատել խոր անցյալում նկատվող ժողովուրդների այդ սերտ կապն ու փոփոգնությունը: Դժբախտաբար մեզ մոտ, եթե

խոսվում է այդ հարցերի մասին, ապա անպայման գերազնահատվում է հայերի դերը Օրինակ՝ ընկ. Մուրադյանը այնպես է դուրս բերել, թե Աղվանից աշխարհը անտեր է մնացել, Վարդան Մամիկոնյանը իր հաղթական բանակով օգնություն է հասել և փրկել նրան։

Սովետական պատմագրության մեջ սխալ է գնահատվել նաև Ավարայրի ճակատամարտին մասնակցած ժողովրդի դիտավարությունն ու նպատակը։ Այնպես է ներկայացված, թե Վարդանը և յուրայինները համոզված էին իրենց պարտությանը։ Կարծես մի տեսակ ոչխարային տրամադրությամբ է, որ մարդիկ գնացել են կովելու։ Այդպես չէ, նրանք միայն հավատքի, կամ թեկուզ որևէ սկզբունքի համար գիտակցաբար մահվան գնացող մարդիկ չէին, այլ տոգորված էին հաղթանակի խոր հավատով և կհաղթեին, եթե պատմական հանգամանքները այլ կերպ դասավորվեցին, ուժերի գերակշռությունը թշնամու կողմը չլիներ և եթե չգտնվեին դավաճաններ։

Որոշ պատմաբաններ արդարացնում են Վասակին, հենվելով այն բանի վրա, թե Վասակը սկզբում եղել է հայրենասեր, օգնել է Մեսրոպ Մաշտոցին, թե նրա մարզպետության վերջին շրջանում է, որ նա դավաճանել է։

Անկախ այն բանից, թե Վասակը իր գործունեության առաջին շրջանում ինչ է արել, փաստն այն է, որ նա վճռական պահին դավաճանել է հայրենիքին, և մեր ժողովուրդը ի դուրս չէ, որ դավաճանի կնիքը դրոշմել է նրա ճակատին ու սերնդն սերունդ Վասակ անունը դարձել է ուրացողի սիմվոլ։ Վասակին արդարացնողները մեխանիկորեն կրկնում են Ն. Աղոնցի թեզը։

Մյուս հարցը ազատագրական շարժումների և դասակարգային պայքարի փոխհարաբերության հարցն է։ Սովետական պատմաբաններից մի քանիսը՝ խոսելով ազատագրական շարժումների մասին, մոռանում են դասակարգային այն սուր պայքարը, որ գոյություն է ունեցել անցյալի ազատագրական շարժումների ժամանակ։ Դասակարգային պայքարն անտեսվել է, օրինակ, ընկ. Հարությունյանի գրքում, այնինչ Հայաստանում այդ պայքարը շատ ավելի շեշտված ձևով է արտահայտվել, քան որևէ այլ երկրում, որովհետև հայ շինականը այստեղ գտնվել է կրկնակի շահագործման տակ, որի հետևանքն են պավիկյանների, թոնդրակեցիների շարժումները, որոնց ալիքները հասան մինչ Եվրոպա։

5—6-րդ դարերի ազատագրական շարժումների արդյունքները ամփոփելիս սովետական որոշ պատմաբաններ կրկնում են կղերական, բուրժուական պատմագրության այն սխալ թեզը, թե հայ ժողովուրդը հաղթանակով

դուրս եկավ պատերազմից։ Այդ միանգամայն սխալ է։ Պետք է նկատի ունենալ թե ինչ տվեց այդ պատերազմը հայ ժողովրդին, հատկապես աշխատավոր դասակարգին։

Պրոֆ. Ա. Աբրահամյանի զեկուցման առթիվ բացվեց մտքերի փոխանակություն, որին մասնակցեցին մի շարք պատմաբաններ։

Ընկ. Մորուս Հասրաթյանը հայտնելով իր անբավականությունը զեկուցումից, նշեց, որ ընկ. Աբրահամյանը չկարողացավ բացահայտել այն սկզբունքային ու խոր սխալները, որ կատարվել են սովետահայ պատմագրության մեջ՝ ազատագրական շարժումների գնահատման գործում, և որ ամենից տարօրինակն է, զեկուցողն իր քննադատության օբեկտ դարձրեց ոչ այնքան սովետահայ պատմագրության մեջ վճռական դեր կատարող կարևոր դեմքերի աշխատությունները, որքան երկրորդական, նույնիսկ պատմագրության հետ բոլորովին առնչություն չունեցող մարդկանց գործերը։ Մյուս կողմից զեկուցողը իր հիմնական թեզերով կրկնեց այն, ինչ որ շարունակ կրկնված է բուրժուական պատմագրության կողմից։ Մեզ թվում էր, որ նա հիմնովին այլ կերպ պետք է կառուցեր իր զեկուցումը։

Այնուհետև ընկ. Հասրաթյանը՝ խոսելով առհասարակ Հայաստանում կատարված շարժումների մասին, նշեց, որ չպետք է ամեն մի աղանդավորական շարժում համարվի առաջադիմական։ Ինչպես կարող ենք մենք, օրինակ, ունիթորական շարժումը համարել առաջադիմական։ Այդպես էլ, խոր անցյալում կատարված շատ շարժումներ պետք է քննության տնվեն իրենց սոցիալ-տնտեսական ֆոնի վրա, ցույց տրվի նրանց բուն ներքին էությունը, ներքին ու արտաքին քաղաքականության հետ նրա սերտ առնչությունը և ապա միայն եզրակացություններ հանվեն։ Զպետք է հապճեպ, կանխակալ գնահատումներ տալ այդ շարժումներին։ Այնպիսի մի բարդ քաղաքական մթնոլորտում, ինչպիսին տիրում էր պարսկական և բուլղանդական դիպլոմատիաների խաչածեման կենտրոն հանդիսացող Հայաստանում, մի՞թե չէին կարող որոշ շարժումներ առաջանալ պարսկական կամ բուլղանդական գաղտնի-գործակալների հրահրումով, ասենք այնպիսի հրահրումով, ինչպիսին հետագայում ունիթորներն էին ստանում պապից։ Անշուշտ խոսքը չի վերաբերում ոչ պավլիկյան և ոչ էլ թոնդրակեցիների ժողովրդական շարժումներին։ Պետք է մարտնչել 1300 տարի առաջ գրվածները պատմության թանձր փոշուց և տեսնել թե որն է ճշմարտությունը, որն է առաջադիմականը և որն է հետադիմականը։

Ապա խոսելով ընկ. Հ. Հարությունյանի գրքի մասին, ընկ. Հասրաթյանն ասաց, որ Վարդանանց շարժումը ազատագրական էր, ժողովրդական, բայց պատմական ճշմարտություն է. որ 151 թվականի Վարդանանց պատերազմը օգուտ չբերեց հայ ժողովրդին: Գուցե այլ տակտիկական պայմաններում օգուտ տար, հայ ժողովուրդը հաղթանակող դուրս գար, բայց փաստն այն է, որ կատարվել է հակառակը: Ընկ. Հարությունյանը միանգամայն սխալ բացատրություն տալով, դուրս է բերել, որ հայ ժողովուրդը հաղթել է այդ պատերազմում:

Ընկ. Բ. Հարությունյանը, խոսելով Վարդանանց պատերազմի մասին, ասաց, որ Վարդանանց շարժումը գերազնահատվել է, հռչակվել համազգային, մոռացության է տրվել նրա դասակարգային էությունը: Պետք է Վարդանին և Վասակին դիտել որպես ժամանակի ֆեոդալներ: Դժբախտաբար ընկ. Հ. Հարությունյանը իր գրքում այդպես չէ արել, սրա մոտ Վարդանը նախախնամությունից ուղարկված մի հայրենասեր է: Հ. Հարությունյանը ամեն կերպ ճգնել է ապացուցել, որ Մամիկոնյանները միշտ եղել են հերոսներ, ժողովրդի պաշտպաններ, թե նրանց երակներում եռացել է Մամիկոնյան արյունը: Ժառանգականության վրա հիմնված, հակադիտական այս թեզը ունի իրական պատկերացում չի կարող տալ Մամիկոնյան ֆեոդալական տոհմի կատարած հասարակական դերի մասին: Ընկ. Հ. Հարությունյանի մոտ Մամիկոնյանների իղբալականացումը երբեմն հասնում է զավեշտի: Թվում է, որ այս իղբալականացումը արդյունք չէ պատահականության, այլ բխում է ընկ. Հ. Հարությունյանի իղբալիստական մոտեցումից պատմական դեպքերին: Քաղաքականությունը, ընդհանրապես չպետք է վերցնել, այլ պետք է նկատի ունենալ կոնկրետ պայմանների մեջ, պետք է այն ուսումնասիրել քաղմակոդմանիորեն, թափանցել նրա էության մեջ:

Անդրադատելով 5-6-րդ դարերի ազատագրական շարժումների բնույթին, ընկ. Բ. Հարությունյանը սխալ համարեց Հ. Հարությունյանի այն թեզը, թե շարժմանը մասնակցում էին լուրջ դասակարգերը, հետևաբար համազգային էր Վարդանանց ապստամբությունը նախարարական մի շարժում էր:

Շարունակելով իր ելույթը, ընկ. Բ. Հարությունյանը ասաց, որ նվաստակի ամբողջ պաշնագրի կետերը օգուտ էին միայն ֆեոդալական իշխաններին, ժողովրդի համար այն տեղ չկար ոչինչ, այնտեղ խուսվում էր ավազաններին իրավունքներ տալու, ասածուն պաշտելու, ազատություն տալու և այլ բոլոր:

մասին: Ուստի որոշակիորեն շարժումը եղել է ֆեոդալական, այն ղեկավարել են ֆեոդալները, իսկ ժողովուրդը կամովին մասնակցել է նրան իր շահերը զուղակցված տեսելով ֆեոդալների շահերին, իսկ ուր աշխատավորությունը ենթարկվում էր կրկնակի հարկի ու ճնշման: Այստեղ ոչ մի տարօրինակ բան չկա: Ֆեոդալական շրջանում հնարավոր է ուր ժողովուրդը գնա ֆեոդալների հետևից, մանավանդ, երբ նա շահագրգռված է: Միթե դրանով շարժման բնույթը փոխվում է և դառնում ժողովրդական, ազատագրական:

Ընկ. Ս. Հակոբյանը, անդրադառնալով Վարդանանց պատերազմի սոցիալական նախադրյալներին, նշեց, որ այդ նախադրյալները ամենից լավ ըմբռնել է Եղիշեն: Պարուկաստանի նպատակն է եղել հեռացնել այն նախարարներին և պարսիկներին բերել Հայաստան: Քրիստոնեական եկեղեցին ենթարկվել է հարկի: Հենց այս երկու փաստերը վկայում են, որ շարժման մեջ հավասարաշափ շահագրգռված էին թե եկեղեցին և թե նախարարները: Միաժամանակ պատմական իրողություն է, որ պարսիկների այդ ներթափանցումով սահմանափակվում էին շինականի իրավունքները, ծանրանում էր նրա հարկը: Հարկեր էին վերցնում նույնիսկ ավերակներից, անգամ հղնավորներից: Այստեղից էլ հասկանալի է, որ իր ուսերին ծանրացող հարկերից ու ճրջումից գեթ մասամբ թեթևանալու համար, նույնքան ոգևորությամբ շարժմանը պետք է մասնակցեին նաև աշխատավոր ժողովուրդը:

Էնգելսը ասել է, որ միջին դարերի բոլոր շարժումները կարող էին առաջ գալ կրոնական բողի տակ, բայց ունենալ սոցիալական բովանդակություն: Ուրեմն չպետք է խաբվել այն բանից, որ եթե այդ շարժումը նույնպես կատարվել է կրոնական բողի տակ, ապա շունի սոցիալական բազա:

Հայ ժողովուրդը ակտիվորեն մասնակցել է շարժմանը: Այդ փաստ էլ Հենց դրանով էլ շարժումն ավելի է արժեքավորվում, բայց չպետք է ազատագրական շարժումը շփոթել դասակարգային պայքարի հետ, ազատագրական շարժման մեջ անշուշտ կա դասակարգային պայքար, շարժմանը մասնակցում են տարբեր դասակարգեր, իրենց շահերից ելնելով: 5-րդ դարի շարժումը ազատագրական էր, քրիստոնեական եկեղեցին կրոնական գույն տվեց նրան, իսկ կղերա-ֆեոդալական պատմագրությունը փորձեց հիմնավորել այդ կարծիքը: Այդ տարօրինակ չէ, տարօրինակի այն է, որ սովետական պատմաբան ընկ. Բենիամին Հարությունյանը նույնպես, կրկնելով այդ պատմադիրներին, կարծում է, թե մո-

Պովորդը կուրորեն է հետևել նախարարներին, ֆողդայներին, թե շարժումը իր լուսնային կղերաֆեոդալական է։ Այդ կարծիքը միանգամայն սխալ է, շարժումը ժողովրդական է եղել, շարժիչ ուժը՝ ժողովրդական մասսաները, իսկ նպատակը՝ քաղաքական անկախությունը։

Րնկ. Վ. Նալբանդյանը իրոսեց Հ. Հարությունյանի «Վարդանանց պատերազմը» գրքի մասին։ Նա նշեց, որ այդ գիրքը ունի նաև արժանիքներ, որոնց մասին պետք է խոսել։ Առաջին անգամ ընկ. Հարությունյանն է փորձել քննադատություն անթարկելի «Վարդանանց պատերազմի» մասին եղած կարծիքները, քննության է առել Մանանդյանի, Գարագաշյանի, Կյուլեսերյանի և ուրիշների կարծիքները։ Այս արժանիքն ունենալով հանդերձ, պետք է նշել, որ «Վարդանանց պատերազմ» գիրքը ունի լուրջ սխալներ։ 151 թվի շարժումը ժողովրդական, ազատագրական պատերազմ հայտարարելով հանդերձ, ընկ. Հարությունյանը չի կարողացել բացահայտել, թե այդ շարժման մեջ յուրաքանչյուր դասակարգ ինչ շահ է ունեցել։ Չի կարողացել բացահայտել հատկապես եկեղեցու և նախարարության դերը։ Անցյալի կղերաֆեոդալական պատմագիրները մեր ժողովրդին շատ ավելի կրոնամուլ են դուրս բերել, քան նա եղել է, Պետք է պատմական փաստերով ցույց տալ, որ հայ ժողովուրդն այդ պատերազմին մասնակցել է ոչ այնքան կրոնական զգացմունքներից թելադրված, որքան տնտեսական, քաղաքական նպատակներով։

Րնկ. Է. Բաքայանի ելույթը ամբողջուն է նվիրված էր Հ. Հարությունյանի «Վարդանանց պատերազմը» գրքին։ Նա ասաց, որ արդանանց պատերազմը գիրքը կարծես լինի իշխանների և զորավարների պատմություն։ Այնտեղ չկա ժողովրդի պատմությունը։ Այդ գրքում պատմության առանցքը անհատն է, շարժիչ ուժը՝ հերոսները, իսկ այդ հերոսները Մամիկոնյաններն են, որոնց կուրորեն հետևում է ժողովուրդը։

Հ. Հարությունյանի մոտ բոլոր հերոսները, Մամիկոնյանները կուլտուրական են, զարգացած, ժողովրդի շահերի պաշտպան։ Նույնիսկ թագավորները միայն, բարիք են կատարում ժողովրդին։ Պապը ժողովրդին բերում է ան-

կախություն և երջանկություն։ Րնկ. Հ. Հարությունյանի մոտ հայ ժողովրդի անկախության պահպանումը բացառապես կապված է եկեղեցու հետ։ Նրա գրքում չկա դասակարգային պայքար։

Ապա ելույթ ունեցավ ընկ. Հ. Հարությունյանը։ Նա՝ ընդունելով հանդերձ, որ իր գրքում կան սխալներ, փորձեց այդ սխալներին տալ ավելի երկրորդական նշանակություն և ասացուցել, որ հիմնական հարցերն իր մոտ լուսաբանված են ճիշտ։ Նորից պնդեց Մամիկոնյանների կատարած բացառիկ դերի վրա և ասաց, որ «Վարդան Մամիկոնյանը, Թեոդորոս Ռշտունին և ուրիշները եղել են մեծ զորավարներ, աստղեր իրենց Լպիսայում»։

Ապա, փորձելով հանրագումարի բերել իր թույլ տված սխալները, ընկ. Հ. Հարությունյանը այդ սխալներից ամենահիմնականը համարեց 5-րդ դարը ոսկեդար ամարելը, այդ դարի դրականությունն ու կուլտուրան գերազնահատելը։

Անդրադառնալով իր գրքում դասակարգային պայքարի անտեսմանը, Հ. Հարությունյանը փորձեց արդարացնել այն բանով, որ պատմագիրների մոտ թիչ տվյալներ են եղել այդ մասին։

Ամփոփելով Գիտական խորհրդի աշխատանքները, Պատմության ինստիտուտի գիրեկտոր ընկ. Ա. Հովհաննիսյանը նշեց, որ քննարկման տրված հարցը շատ ավելի լուրջ, սկզբունքային էր, քան այդ պատկերացրին թե գեկուցողը և թե ելույթ ունեցողներից մի քանիսը։ Այդ էր պատճառը, որ քննարկվող հարցերը շտապան սպասված մեկնաբանությունը։ Չնայած դրան, Գիտական խորհրդի նիստը ունեցավ իր օղուտը, բացահայտվեցին բազմաթիվ կարևոր հարցեր և գնահատում ստացան մի շարք դրույթներ։

Անդրադառնալով ընկ. Հ. Հարությունյանի ելույթին, ընկ. Հովհաննիսյանը նշեց, որ ընկ. Հարությունյանը փորձեց արդարացնել իր մի շարք սխալ թեզերը, որոնց, ինչպես նաև սովետահայ պատմագրության մեջ նկատվող այլ թերությունների բազմակողմանի և լուրջ քննադատությունը, դրանց ուղղումը հանդիսանում են պատմության ֆրոնտի աշխատողների առաջնահերթ խնդիրները։